

壹

齋

集

壹齋集卷二十三

當塗黃鏞左田

古今體詩四十六首

盡辛未一年

辛未正月五日再至澄懷園直廬

三年池館未全荒，重掃螭絲置筆牀。負日園丁驚我老，營巢林

鵲學人忙。

京師氣候初晚園鵲每以正月始爲巢

慙無元亮斜川興，空有羊曇別

墅，傷仰見竹椽。思往事，賞音難覓蔡中郎。

失笑今吾尚故吾，鏡中鬢髮迴非初。肥硯一任爭三螭，朝莫何

曾易兩狙。青史功名憑魏丙，白頭蹤跡合樵漁。家山好在勞神

往，誰是當年舊艸廬。

門外春風車馬喧，宗寥孤負好林園。燈花穗落知中夜，爆竹聲

多近上元。官冷那禁童僕散，愁淡怕對子孫言。據鞍且復誇輕

健西撲渚沱直到源

時派西巡扈蹕

憶昨行寄張

映漢

方伯太原

憶昨自楚來晉陽時惟十月四野霜傾城冠蓋出迎我故人喜

見金與張

金君應琦時官藩司君官臬司

筠莊

金君字同年復同里君昔民部同

爲郎官廳握手大笑樂謂可三載相頡頏君言征裘且勿脫天

寒此地宜壺觴招邀衙齋急命酒次公在昔醒猶狂嚶鳴得友

那能已纏腹易滿誰爲量須與玉山自傾倒溫柔花且交扶將

肩輿不省宿何處醒見紅日升西牆那知半載卽賦別我留汾

澮君瀟湘是時筠莊頗善噉子敦軀幹方昂藏緬懷清風輒交

憶歲時燕集尤難忘可憐聲華正鼎盛倏忽變易同滄桑人生

聚散本萍梗逝者如此存可傷去冬及瓜我北上君逐汾鴈翻

西翔代飛已分交臂失合并何意西園秀傾圉倒廩話未了惜

卽被 命行匆忙猶幸 西巡許屢從幕天席地看清涼三年
之別十日聚截鶴續鳧稍可償惟愁高寒砭肌骨不敢爛醉污
衣裝雲龍上下諒不可彭佺比壽應未央

題李在擊缶圖

三窠箕踞秋樹根濁醪滿貯老瓦盆一窠閉目杯覆面一窠聽
歌手不鑄以腹應節鼓且捫一窠借箸擊瓦缶目注舞者背負
孫舞者一巾一秃髡巾者插羽當春幡脛骨裸露如鶉奔笏有
一人弦撥鷓攢眉苦叶歌音繁婦姑牽抱兒語喧弱女寒儉温
柔存陳風秦俗姑勿論一十二人分卑尊一一貌取笑欲言盤
僅蔬菽無雞豚誰投狗骨齧以蹲想當倉廩新穀屯龍不夜吠
月滿邨催租無吏來敲門兒有複襦婦有禪睡足屋角明朝暎
黃綿醉倒眞奇温不知懷葛甯義軒人生至樂惟愚范我不識

字憂亦煩何曾飢餓絕饔飧不異寢飽娛心魂似看三變髯微
掀芒芒何處君家園欲營此樂非朝昏

扈蹕 西巡奉 勅畫長城嶺圖

縹囊韜筆錦褱硯奉 勅看山畫山面特許先期款段行不比
傳呼畫師賤去年冬自山中來五巒雪霽關門開長城東下勢
斗落如丸走坂頭難回縈紆綫路舉足礙曲曲穿珠蟻成隊惟
防犖确險在前那識幽奇良其背今春扈蹕重躋攀天教覲面
窮屣顏扶輿磅礴不可貌約畧形似惟巖關碧雲澹沱泉琤琤
山靈亦解來逢迎谿桃破靨杏花喜竝入絹素驕春晴圖成三
日再拜上五字 天題邀睿賞朗吟驚定起文殊古雪潛消衆

山響

再至白雲寺

經閣岩堯夜氣清重來猶戀宿桑情澗冰堅厚唬猿絕木葉縱
橫臥虎驚一榻爲誰當牖設白雲依舊與簷平山僧何必會相
識自有烟霞管送迎

管仲姬澄泥小硯

澄泥小硯三寸強吳興夫人之所藏銘詞古篆戊子製子昂時
甫徵爲郎是歲公年三十五玉潤珠明驚世祖曉啓曾經畫遠

山歸思未用歌漁父

趙文敏以至元丙戌被徵丁亥授爲兵部
郎中至波子公時年三十五歲管夫人漁

父詞爲皇慶二年
書公年六十矣

摩挲大雅互分攜

大雅交敏視見
雲烟過眼錄

何日搏成

你我泥濃磨興到瀟湘竹新浴香流餘不谿製作猶存統州法
珍藏不用琉璃匣玫瑰賦質曉霞明金泥涅蓋盤螭活堆鴉鬢
髮墨光妍曾照鷗波人比肩流傳又到觀生閣璧友重逢五百
年人間豈少賢夫婦只有簫鸞是仙偶當壚人作白頭吟詞女

夫難金石久卽今片玉色璘璘想見薰香沈筆人定知什襲貽
孫子仲穆生兒有鳳麟

題指畫鷹

主人使指不使筆萬管不如指有力縱橫如意左右能走者予
蹶飛予翼珠簾窳地几硯清意氣所到天機生忽然落紙爲蒼
鷹加毛減肌皆不能宣和鷹鼎衆爭購飼養無人諳味漱輕描
淡朽形質非綠鞢華絆丹青舊何如頃刻彈指成顧盼萬里秋
天清中山毛穎喜輟泣從此不憂縛繫筆

澄懷園澹池荷花芟刈盡淨詩以惜之

清風雨洗長空且荷花繞屋開無算曉起鉤簾香滿家閒時對
酒光浮案消受頻年不自奇經行有客同聲讚涼堂已占水晶
官四壁還張雲錦幔頗知人物愧彼都那得綢繆歌此粲不圖

三載去司并雨與荷花解爲難一夕淫霖水入箱幾家池館山

爲岸疏川導滯屬司空馬狗車棲便

平內翰

先是積雨池溢車不能行有誤直者

皆鑄一級

非宣夏潦暫時通要使秋河百川灌磨鏡難容塵翳留治

絲先理菅麻亂夜靜如聞仙子愁雨餘似有鴛央歎千夫豬鴨

倏投泥一雲彩雲吹盡散倉黃粉鏡毀新粧錯落翠盤絕珠貫

錦鞵空餘塵土香仙裙皺任兒僮翫花如解語定可憐魚若有

情亦驚竄我時惆悵悟因緣并載光華極璀璨幾人聽雨到更

闌若箇招涼臨日旰將衰更盛理固然雲霞暫遣玻瓈換不須

懊惱眼中花差喜清涼身不汗好待龍宮湧白蓮四時不落從

君看

秋感十首

小別江鄉一紀餘
癡中煙水足
蒸蘆玉谿刺有名
書籍魏野曾

無宅可圖嘉會因時常省錄衰顏對酒不能朱最憐歡笑和誰
共滿眼兒孫跡轉孤

涼堂四面種芙蓉一榻閒身劣可容苔葉暗封甌縫合簾紋密
印水波重讀書悔未窺袁豹疾惡時猶罵董龍歸興知爲山色
笑秋來畢竟讓渠濃

騅駟早逐穆王遊駿骨千金孰見收一自論詩推鄭紫翻教激
贊到梁邱龍從畫裏真難見鹿覆隍中失易求極目江天波浩
浩不知誰是濟川舟

露坐空庭夜未分銀河耿耿淨纖雲一天星氣涼如此滿耳蟬
聲宋不聞莫學盧仝歌月蝕空傳崔浩解天文愁心欲寫雲山
隔玉塞秋風託鴈羣

讀書經世本同科美玉良金待鍊磨貧笑市瓜惟取大庸憐買

菜祇求多功名黃霸晚猶減才思江淹老若何爲語少年須努
力白頭容易歎蹉跎

別裁僞體記韓歐一代宗風不可求莫被劉幾欺軋茁須妨坐
客會於休琳琅要令千秋鑑藻采毋驚五鳳樓暇取南華日披
覽淡虞謬種或傳流

朝登閶苑莫平康得意看花有底忙共詆虞山爲浪子我因高
第惜裴郎風雲累牘工何益忠孝焚香願要償果有罪言能報
國不妨容爾牧之狂

土龍芻狗貴因時嘗嘗何妨任意爲不礙種桐釀馬酒難堪起
宅徙羊碑雲峯變滅須與耳花雨繽紛姑聽之卻怪旁人輒膏
吻那知有客正攢眉

請郡投閒古有之未聞擇職較安危黃金自信能無辱白璧誰

云不可爲郭伋再來爭共話温公未相已羣推選官圖在從君
擲巨耐人人只療飢

不脫朝衫不閉房登真別有枕中方雪丹儻得偕仙偶碧落依
然領侍郎鬼笑術精營十一人言心計妙研桑莫嫌舉室清齋
苦家擅吳羹勝道場

題汪立信

贈文信國硯

硯側題云京湖制置使汪立信

藏下有方寸印文曰文山有精圖印文曰楊氏珍寶
下方爲成化二十三年楊文和公書公衣帶銘跋云信
國公片言隻字人得之寶如圭璧况遺像耶余未小
子何敢題識卽書公衣帶中語以作公像贊謹勅于硯
右背刻公遺像多髯始後人摹刻者匪有乾隆丁巳休
寧程恂題宋少保樞密使文信國公遺像硯明華蓋殿
大學士楊文忠公藏蓋此硯曾歸程耳今不書遺像硯
日汪立信贈文信國硯以人重也像則非所本有也今
藏葉東卿
志說處

我昔曾題信國琴今又獲見信國硯此硯初非玉帶生背有當

年丞相面芻鏘正隸字廿一咸淳十年歲甲戌大書立信贈天
祥質實應爲公手筆汪時慷慨有奇謀二策抵地旋歸休想當
淋漓濡大筆墨池屈曲蟠蛟蚪江淮再起汪殉節公亦勤王歷
閩粵從此悽惶石友知不知倉卒何年別嗚呼建康柴市何從
容兩公就義將毋同不敢題識新都公我請易名爲二忠硯今
硯兮誰磨礪但覺篋衍吐氣如長虹

送劉冊之官安嶽

劉君楚才士丁卯余所錄榜發來謁余舉舉有邊幅時余迫西
征餒飲苦徵逐未暇與淡談遽別尤湖曲明春禮闈罷寓我以
赤牘駢儷學宋人文章頗華縵意欲招之幕謂已返家塾今年
取高第蓬瀛望可蹴不圖百里才竟絆千里足使星照吾鄉遙
爲鄉人祝賢豪世急需斯民諒蒙福吾鄉與楚鄰規模同趨起

兒時諸父兄守身潔如玉長老冬不裘布衣綿取煖學僮一緇袍二十猶著綠及我觀政歸教授皖歙六諸生相見時楚楚冠裳蕭然惟事弦歌未敢問絲竹別來十三年傳聞駭且惡家無中人產糧無三月蓄有酒必徵歌明眸昵華燭懷金趨官衙不
畏旁人矚僥倖七科名其禍流最毒此猶列衣冠下更無檢束
詩書束不觀訟牒讀頗熟伺隙挾官長懸鞭不敢扑因之橫里
閭道路輒以目大都江水分強弱各有族新安朱子鄉閭門尙
雍睦甯池半山居廉謹亦躡躡惟廬及鳳潁鬥狠常不縮得失
爭雞蟲陷胸或洞腹潁更多鹽梟結黨走山谷擒之卽傷人案
之憚窮鞫曩時文正公屢屢誠司牧維時吏無才懼恐興大獄
姑息不數年奸民乃鬪宿方今大吏廉瘠土皆化沃蠹賊儻不
生庶幾穫嘉穀君家宦三世神明衆所服治譜自有傳請先效

忠告示儉屏聲華戒貪抑童僕任力兼任人以嚴毋以酷忠信
十室存一懲而百勗第種河陽花緩菘柴桑菊如龔治渤海如
文化西蜀農使服田疇士俾知恥辱此邦況多賢毋讓千秋獨
朱邑祀桐鄉合肥頌劉馥任有昉溪邨時留壽春犢宣城與滁
州各各著芳躅三年政有成一卷詩可續我老時歸休再覩兒
時俗從君受一廛西疇事斲斷

九月五日偕田

萬年

及兒子

初民少民

登玉皇廟東臺

作

涼秋忽向盡幾日鄰重陽登高苦無地中庭但徬徨兒曹謂城
西古寺臺可望車驅不里許瞥見松柏蒼高閣矗彌羅赤金甍
文昌青紅填鬼物礮礮驚神光借問新者誰縉紳繼貂璫廟爲天啓
四年羣閣所建今雷神中尙襍以闕像近加修葺者殆不悟也邀福取貴仕咄哉真癡狂其東

峙平臺左右森修篁梨桃襍榆柳縱橫不成行原艸耿餘綠林
葉含新霜午熱頭尙科露頂風微涼休沐近五旬鬱居歌慨慷
憑臨一舒嘯四顧何蒼茫卽此是佳節安用茱萸囊呼兒進茗
飲聊以代壺觴

薛文清公硯

硯長四寸許寬三寸背鐫篆七字曰萬里

在蜀因游杜工部浣花溪上之艸堂過遇仙橋憩青羊
官見茲硯異之遂售以歸仍取子美句志之河津薛瑄
張固李匡羅俊全鑒賞按固江西新喻人官吏科給事
中景泰元年遷大理寺右少卿鎮建昌匡浙江黃巖人
以僉都御史巡撫四川俊江西
泰和人官御史景泰中按蜀

昨試河汾士會過夫子鄉崇祠隔旁縣憑軾未升堂遺集諸孫
贈清名異代香墓田渺何處聞說已全荒

此硯成都得公方游艸堂一時三獬廌同憩在青羊銘背當行
記題名共鑿藏會須攜石友相與薦馨香

司馬溫公與兄子九承議書斲石僅存五十六字葉志

說

上舍孫其肖爲硯仍以全文重摹刻石索題

世間異事胡可料司馬家兒不知孝傳家家訓束不觀獨樂淡
衣枉身教甯州赴任有底忙夏縣高堂幾何耄硬差致仕旣不
能卻樹恩頌但嗟悼家書子細十八行恩意殷勤再三告以官
呼姪已稱名紙尾莊書叔光報此碑殘石獲何年琢硯鐫銘聚
所好更覓全文重手摹要爲名場鎮浮躁前年按試到公鄉絕
少雲仍在學校遍求名籍得武童急錄一人奉家廟忠賢後嗣
類不昌况公盛德尤難肖爾時未暇詢旁支僅搨豐碑拜遺貌
我思仕宦爲娛親親老何堪違色笑西山日薄意不歡南陔笙
好難成調于今不乏九承議第少公書厲風操願君收硯勿輕
示怕有旁觀訝譏誚

買菊

出山非爾志入市助人豪
未免泥塗辱何妨聲價高一肩
秋露重幾日井罌勞
但對陶潛酒休汗畢卓螯
節物人爭買家家照眼明
何曾愛佳色惟解務虛名
茅店酒旗兩山圍
霜日晴幾同幽賞處相對訝前生

憶子卿

竝宅人何處離居今幾年
淡燈桑落酒細雨菊花天
送子人齊贅將家上楚船
此時無一字知少治裝錢

自遣偶作

白盡髭鬢作大公含飴一笑對西風
自慙不識康成面妄想諸孫學小同

稚齒飢驅到白頭先生不是不風流
變童季女緣都薄竟作人

閒許散愁

買鄰買宅說徒然積壁誰分壓倒錢岸上無舟水無屋萍浮人
海十三年

黃山記昔觀雲海足底青雲頭上天山下豈無人望我雲中何
必盡皆仙

曾聞說士甘于肉親見元暉共獎成休怪兒曹渾不解卅年前
本未嘗生

雙古戈爲東卿賦

東卿示我雙古戈名之曰瑀曰右軍胡三援四考工法莫辨孰
周孰先秦瑀戈背有銘文四彫鏤夔龍甚精緻欲讀還疑口但
喏我本空疎不識字右軍稍短銘篆小青翠滿身質完好謂是
始皇廿四年尙未銷兵時所舡想當執此乘轅車長弓大箭爲

前驅椿喉斬馘最精銳銅花古血交模糊從來好古物爭聚送
與東卿好藏弄款識頻煩薛尚功著書要繼劉遠父我作短歌
君莫嘲勸君惟用虎皮包須防半夜光如燭化作雙龍飛出屋
九日兒輩同人陶然亭登高分韻賦詩競以長篇角勝
作此示之

一亭西瞰衆山幽九日城南近可游自有登高須作賦從來名
士善吟秋滕王落筆千言富邠老催租一句留輸與黃花鬥奇
麗笑臨流水獨夷猶

宿燕郊客舍主人趙某榆次田邨人聞余至一時商于
此者爭來問訊感而有作

曾經榆次田邨過不識燕郊抱布氓一榻偶分眠食地三年慚
說鑿衡精索書墨藩經霄淡爲秣青芻待旦行更有少年前致

謝門閭猶是我題旌

趙祖母某節孝
余曾旌其門

三河道中

五更清溜斷簷牙發白東方見曉霞
樹麥最宜秋雨足看山微
礙溼雲遮黃茅屋矮炊烟直紅葉林
淡酒旆斜此是五年前舊
路新霜重染鬢毛加

初冬澄懷園

去時牽牛花來時黑鳥浴庭前葉幾堆
門外水一曲水縮寒不
波木落山滿屋俯仰惜流光誰與愜
幽獨微聞簷際禽啾啾亦
來宿

既夕無所營孤衾自爲理一更後
櫳眠五更先櫳起寢魂那得
閒擾擾櫳聲裏清歌不暇聽有酒亦空
旨惟蒙月娥憐時時照
窗紙

飲酒

北風生驟寒無事且飲酒初非慕陶公亦匪學犀首今年懷抱
惡失意事八九攢眉過三時何曾笑開口宵來興偶適恰值杯
在手池水綠未冰林葉黃依柳青山露牆頭明月窺簾牖歡然
一觴醉何必石與斗

憶太原城東道院寄山長桑

庭樞

孝廉

高閣入秋早登臨記昨頻官閒時載酒月上更留賓蒼莽空千
里孤危絕四鄰眼中何處是俯仰跡俱陳

問訊桑維翰舉比坐擁書講堂人去後汾水鴈來初囊有新詩
句門多舊雨車不知經道院曾否一思余

老僧久退院猶復念諸生請業誰精進煩君疏姓名宿桑嘴結
習種樹愛陰成回首西山隔蒼烟萬里橫

次韻子卿歲朝圖

擬築堂名歸去來柴門也傍鏡湖開狂吟紫府仙人句醉撥沙
瓶白玉醅山近未須騎兩犢歌清時或聽雙梅不知此願能償
否歲晚懷鄉首重回

卅載雲龍上下俱五年小別雪盈鬢消寒忙苦尋閒樂饋歲夸
張有畫圖隔屋瓊林粲花蕊子卿時卜居此鄰除夕日雪短檠紅燭爛珊瑚
明朝賀正歸來早肯就寒廳共醉無

壹齋集卷二十四

當塗 黃鉞 左田

古今體詩七十五首

盡壬申一年

壬申元日

太和殿侍班禮成入直雪滑折腰蒙 恩

賜醫恭紀

通明方鵠立退直忽龍鍾自覺趨踟後人疑僂偃恭醫來動鄰
里 恩重起衰慵便欲腰鎌去春田狎老農

題吳偉畫冊

次翁筆力殊豪縱憲孝兩朝名特重錦衣百戶畫狀元仁智殿
中老供奉圖成一幅綵數端將去毋令酸子鬪妓飲南都傲貴
人客必秦淮徇酒甕至今開冊氣淋漓想見滯豪狂縱送我聞
工執藝事諫圖寫前賢寓規諷伯時慈孝故實傳和之風雅民

情貢荒唐漫戲意何取頗類書窗小兒弄渡水方塗墨鬼嬉獲
麟忽貌尼山慟寒山拾得怕饒舌牽率樵夫牧兒共志在披圖
笑口開不管賢愚類難綜此法流傳有自來子專石恪嘗醋權輿
宋後來蕭照李訓餅儲王成盤礴大都相伯仲惜哉遭遇值盛
明徒費精神嚇愚蠢吳中七子正同時叵耐聰明祇自用快意
雖教四座傾鑿藏難入高齋供獨憐名蹟日銷亾剩有零縑亦
驚衆當時况自擬仙人酒酣且欲陵飛鳳

題葛明經雲小像

我來京師十三載胸中故人面常在吟肩山聳畫不成林風湖
月相思每何期君忽現身來附以高文珠百琲邀我題詩似欲
言獨立蒼茫儼如待軀榦依然鶴骨昂鬢髯畧點吳霜睢憶昔
消寒湖上亭亭畔梅花方破蕾手中杯斲酒鱗月上波光流

浼浼李白狂歌動鬼神元龍意氣傾湖海無何座客盡凋零聞
說園林今亦改更無巖壑勒移文剩有簷楹傷砲礪也知花發
獨看難終勝車驅終日殆行雲流水意何閒俗狀塵容氣已餒
何時再續歲寒吟風雪填門吾不悔

送李

廣芒

同年守汀州

汀州去國五千里山色當樓紫翠重俗有淳風人買犢灘經春
雨水盤龍禾中麥久雙歧秀李先守嘉興有善政嶺外花看萬樹濃暇想
著書松桂底定知時有客過從謂伊太守秉綬太守郡人也

園居雜興

卷軸隨身曉命車邨夫子又賦移家海棠已謝丁香老開到無
名小艸花

翠葉青莖布水瀕思憑洗擇作廚珍園丁眼與菱蘆熟那識中

多雉尾蕊

成團柳絮走牆東也得花名入錦叢
未必春風愛輕薄故教點地又飛空

薔薇蘸水色鮮新忽漫飄零委鞠塵
惱癡兒太無賴折人花朵贈他人

傷柳依蒲聚釣徒羣貪白小當園蔬
從知結網應須早誰是臨淵不羨魚

有鳥彫籠號白翎啾啁善學百禽鳴
可憐鎮日娛人耳得意都非自己聲

稱意花開惜不多一枝誰解對高歌
卻輸蒿艾漫山綠偏枉游人屐齒過

幾經風雨染垂楊依舊柔條拂水長
莫負主人勤愛惜好留清

蔭覆茅堂

香山

雨足蒸嵐潤林深暖翠重
喬柯聳飛閣幽壑遞疏鍾
犖誰通屐蒼茫獨倚筇
四山看總好面面玉芙蓉
臥佛庵門近杪羅花正開
津梁吾已倦雲水此空來
巖月照通夕邨醪覆滿杯
山茨隨分住也自抵樓臺

山月

山月清如此客心悲可知
孤寒起天末掩映入雲遲
古屋狐狸拜高樓別婦思
姮娥渾不管委照木無私

約子卿游崇效寺噉素麪

齋廚日蕭索努力飯難加
爲我采槐葉從君問棗花
題詩紅杏卷送客碧天鴉
捫腹歸途近橫街一里賒

贈龍道州

舜耕

八歲就外傅卽與君同學君長余一歲髮髻兩鵝角謬爲先生

誇謂是玉一珏六年始離羣歲時見仍數君尋隨伯兄通潞牧

新擢我亦作京游衙齋手重握座客多鄉人吾師最謹慤

邨未齋先

生宋公才頗豪何意老而瞶

宋泰州法近被更議

觀燈往市南門飲擬河

朔卅里車常巾五插船屐促秋試同儻居戰兢互商推其時屋

主人滿洲孝廉岳

乾隆甲午與君同應京兆試儻居岳公起家時岳方爲孝廉

後出撫三吳

治行天下卓報罷各分飛我歸足仍錠君補寫書官被恩最

優渥初看錦城花旋采湘江蒨春陵拜漫郎濂谿緬先覺邦人

取大科

何編修凌漢

刺史昔確斷至今酤酒壺猶是州民搗

君所使令猶道

州今春快合并狂喜欲騰越屈指計睽離拭目歎屯剝一去亦

二年光陰如電霄儻再更幾番壽應姬錢幄

辛丑別於京師及今卅二年矣翦

燭黃清醑開飯香穉感衰話身世山泉混清濁四十已棄官
六十反蹶踣驚駘被錦幪砭砭強追琢翦翎畜彫籠不如引雛
嚼揚馨向桑山不如戀滌瀾宏詞麗班揚那免誚伊喔區區數
卷書何足詡卓犖況復老遺忘才思涸如衆爭似親民官可使
俗返朴我顏醜可憎君貌清堪兒舉世急龔黃何人比管樂成
效業可睹再出更果確岳公近可師流風未絛邈宦成賦歸田
我先具拘搨湖山自清佳春秋偕被濯放杖學兒嬉請與君相
較

四月十九日偕龍笠山田季高及兒輩再游崇效寺時
子卿病不果至

幾日禪房衆綠齊薜蘿濃壓帽簷低何須載酒心方醉寺僧不許載酒
誰是無花手重攜畫靜橫琴聊破宋雨餘選竹欲留題荷鉏種

菜吾能辦卻少山僧地一畦

忙苦先期約散愁忽逢小病遲來游人生那得常如鯨我嬾思
閒願學鷗蕉雨無心同結夏菊天有暇或吟秋卻懷湖上精藍
好煮酒羹魚頗自由

貓犬

飲貓日以魚噉狗多與肉非嘉守捕功取以悅吾目貓飽但游
堂狗肥乃善噬主人情嗜偏奴隸怒裂背我亦有室家我亦供
役使奈何彼不如飢寒至于此

五月一日漫興

萱艸去年叢榴花著雨紅光陰疾飛電節物憶鄉風碧柳銀鮒
貫青菰玉糲箛傾城觀競渡江濶鼓籠銅

新水欲平岸好山如在家翠鬢能倒影紅蕩不須花散直身無

事臨流手自叉黃昏誰破宗鼓吹有官蛙
息轍無今雨開編友古人義難爭寢鬼論不到錢神但解啓期
樂何妨原憲貧脫巾時攬鏡一任髮如銀
謀歸拙無計有客笑空談又復過重玉惟餘歎再三艸堂貲孰
遭棧豆戀真慙只合從彌勒全家借一龕

鮒魚

鮒魚四月美絕倫荻洲網出光如銀頭魚入市競豪奪

漁人以初得者

爲頭魚索價最貴

千錢一尾充廚珍滋味非微人厭若愛護亦自矜霜

鱗誤游漁罟欲速朽義不受辱如成仁畧傷骨體稍齟齬要令
饑吻姑逡巡端陽已過論價賤被絮自典拚家貧大愈忍臭喫
石首況求卽得非猩脣天工特許擅節物海若歲遞來江濱供
人口腹樂鄉土乃爾棄置趨風塵龍祠鰻值牛羊貴保德鯉重

開河真

襄陵龍子祠下鰈最肥美一尾值錢三四千石花魚土人以河冰初開得者爲開河魚爲最佳尋常市者多僞

黃花下市肋魚上鯉風壓擔來天津頻年頗下何曾箸乃寢猶

曳荒江綸譬如冠蓋貴游聚何似帚屐鄉人親往時山堂曾遠

致油浸差勝糟鮮新

往在紫陽書院家人以油浸鱖魚見寄經七日而味不變

二十年事偶

棖觸三千里寄夫何人他時倘倩介象釣更請兼致于湖蓴

土產純識者甚少

澄懷直廬卽事

停雲蔭我屋流水環我門松風送隔溪炊烟成一邨放鴨翠蘋

罇釣魚青楊根雖非大三昧卻無塵市喧

閉門畫方長欹枕睡不足寢中聞棗花覺來似蘭馥偃蹇對林

陰參差壓檐綠山鳥時一聲知是桑葚熟

疏簾卷暮色新月升林端悠悠俯逝波肅肅仰歸翰目極故交

盡情爲懷鄉殫浮幻蛛自知將心誰爲安

大田待佳雨中宵隱遠雷窗紙乍生白電光時合開蘧蘧已化蝶蕭蕭未迎梅晨興泣花露瓊瑤含蚌胎

題趙文敏所藏獨孤蘭亭燬餘殘字爲煦齋司農作

昭陵繭紙定武石南宋後人都不識鑿損搨本元已希又五百年何可得子固落水攫蛟宮獨孤幾入茶毘空可憐鑒賞松雪

翁收拾餘燼歸司農司農響搨宛然在

司農先時響搨趙臨竝跋藏于家故得完好無

恙

趙璧獨完有真宰回看翠墨剩幾行零落明珠不成珮吳

柯

九思跋尾半在亾弄藏名印辨微茫每於爛額焦頭處時露殘

星缺月光撫冊重觀發三歎又與蘭亭作公案後之好事定如

今知復流傳幾人翫世間無物無知音抱殘守闕愛尤淡公如

不惜雙南金儷茲尙有震餘琴

松雪集有謝鮮于伯幾惠震餘琴詩

池上觀雨

牆陰人跡稀，一雨苔葉綠。坐茲池上閒，送我林際曠。戢翼鳥急投，翻波鴨爭浴。物情取舍殊，人意清涼足。車馬寂無聲，翛然遠塵俗。

偶成

百無可樂只詩歌，盡日垂簾對綠波。補種池荷抽葉小，自生石竹作花多。魚通活水游頻躍，蟬試新聲澀未和。不必閉門嗔剝啄，疏慵那有客經過。

題法時帆前輩篁石小像

湖嵌聲瓏玲，下漱清瑤流。瀟碧足烟雨中，隱茅堂幽。高人悅青山，抽簪未白頭。懿茲猗猗姿，儷彼落落儔。理或鬱紆繞，節自攄森修。三分水，周屋萬卷書。滿榭鷓鴣雛，可樂飢棟實。行自求，況聞

經濟道頗切蒼生謀賦詩特餘事抗論驚浮游泉石寓意耳襟抱知公不

題石刻牟子才高力士脫鞵圖

圖在太平府學尊經閣下爲元太平路經厯子

才七世孫景陽刻

天寶寶祐羣閹肆以唐較宋彼善此就中碎得百宋臣爭敵力士一腳指阿瞞五十年天子微高將軍幾兵歿巫州晚節殊從容小了織人見應恥宋時勁敵在淮蜀臨安土木方興築奪民田共畏閹羅易疏君猶眯人目存安丹青想偶然風流企慕貌鄉賢子才號存安蜀之井研人庸奴不量謂譏已爾時誰足當青蓮青蓮此舉亦無謂戰國縱橫餘習氣君前那得逞酒狂眼中尙未忘權貴牟君頗有諫諍姿閻馬丁當甯不知何不上書數其辜效文天祥乞斬之畫圖召禍國何益五百年來汗此石

題沈石田畫卷

睡鄉午枕甘若蔗，癡據胡牀坐幽榭。美人一笛起清風，滿鴨涼
雲不知夏。醒來白袷汗，翻漿客送青山卷。插架揩摩老眼隱，几
看淋漓健筆驚。人乍絕，嶂深谿綰艸閣寒。道書茗椀高人暇，落湖
如聞泉活束。過橋似有驢，歐歐蹴水田禽浪。作梯穿雲松蓋陰，
當舍此景江南何地無。到處蒲帆我曾卸，一灣新漲足魚鰕。十
畝濃陰富桑柘，雨晴野艇放鴨還。耕餘黃犢從兒跨，籬花爛漫
任開落。邨酒甘酸互邀迓，盧堂儻許十志成。陸裝不費千金價，
眼中了了未暫忘。醉後惺惺常自罵，癡兒畏學昨已逃。老女凝
妝晚猶嫁，卷圖淡婉意蹉跎。撫膺那禁心悲吃，驩卽無家終必
歸。舒況非才早應罷，殷勤爲問石田翁。畫裏林園可容借。

子卿改官御史詩以簡之

南臺東觀秩雙清經濟端由學術精好爲蒼生陳利病休將白
簡擅威名澄波終異湍流激鷹隼何如鳳鳥鳴暇取青箱徵故
事能言須要世能行

次韻補題子卿古香精舍看花懷人圖

圖爲余作

有梅不看畫于紙如貌真真呼不起燕市無梅強索看笑倒鐵

佛空山裏

國照寺俗呼鐵佛寺古香精舍種梅處

空山花開喜子旋花枝待子神

爲傳卻呼明月發清嘯憐我瘦骨如癯仙我今蹉跎又十年畫

圖已暗詩缺然

圖爲癸亥作及今剛十年

溪橋卹路春猶記月落參橫寢少

緣天寒欲雪寺門靜精舍無人古香冷繁枝健步不可移湖月

林風意誰領山人還山非所難奮飛幾欲從風搏只愁我去君

仍住孤負江梅盟要寒

亢

勳過郊園醉歸亭縣

小別無端見素衣，郊園過訪重嗟歎。子才在晉稱難得，我老懷鄉久欲歸。得意會看鵬怒徙，相思惟望鴈來飛。也知聚散搏沙似，巨耐羊求次第違。

時田季高亦欲歸省

題蕭尺木摹元孫

巨源畫 並引

圖繪寶鑑載元孫君澤杭人，工山水人物學馬遠夏珪。近見蕭尺木畫跋云：宋元間有孫君澤，名巨源，作畫以枯淡爲深厚，倪黃常宗之。余見其蹟，吮筆貌之以明古人所學之博，與圖繪寶鑑異。蕭君好古精鑑，必非妄言。因題一絕以俟後之見孫畫者評焉。

姓名偶慕宋孫洙，畫本流傳百載無。不是蕭君曾眼見，幾將馬夏混癡迂。

書王黃州鹽池詩後

並引

石刻在今解州署其序曰鹽池之大古無題者有唐都
長安河中爲近輔池實屬焉古人奇士游者多矣還都
建郡以來亦在千里之內凡所臨莅率皆儒臣未有一
詞以紀勝槩天實惠我使之補亾淳化四年禹偁自商
洛移於解梁游覽之餘憤然成章章三十六句雖不虞
於前輩豈敢誣於後生人或繼之實自予始按昔鹽見
周禮晉寶見左傳說文水經皆有箋詁不可謂古無題
者郭景純鹽池賦柳子厚晉問累數百言更不得謂無
一詞以紀勝槩蓋是時書多手寫不似今人翻檢便易
耳然小畜集不載此詩殆亦悟而刪之也

積雪飛霜中古留庵盛還藉老僧收

黃州詩庵盛更覆叢以屋貯鹽謂之庵至今猶然泊

畦之夫號曰利尙不知始于何時

當時也欲題詩句爲有先生在上頭

先生豈是腹空疏
傳寫時多未刻書
一自巾箱供獺祭
翻教插架飽蟬魚

葉編修

紹本

用蕉字韻作詩見贈次韻奉酬

宦味淡于已壓蔗
歸翼誰爲送王榭
暫息閒身燕已秋
難語冰心蟲尙夏
西鄰翰林揚馬儔
徐陵筆硯珊瑚架
冰雪遺人一卷清
珠璣照我雙眸乍
偶題舊畫石田筆
蒙和新篇玉堂暇
竟有高人嗜癖痴
何怪仲宣好歐歐
榻來儗直罇守瓜
偶一還家犬驚舍
豹尾三秋暇未從
雞棲幾日車剛卸
人稱巷善接青楊
我愛門陰有文柘
數武過從豈惜勞
一旬戶櫺何曾跨
書箋畫卷委縱橫
俗狀塵容要迎迓
偷閒斷續和詩篇
畏飲尋常忘酒價
避客思從汗漫游
絕交一任山王罵
未必虛名身後傳
何須代作他人嫁
以蚓投魚知自慙
將埴陵山得母吃
瀟瓜抓棗聚

尙能秋清月好吟難罷但愁腹儉乞饋貧異書莫憚東家借

再次前韻答筠潭

我官側出類都蔗凡材難構瀛洲榭若將文字比丹青差可麤
疏儕馬夏爾來但欲保封疆遇敵遽巡費凌架鑷下霜鬢旋復
生癯中匹錦微還乍每慚老去澀欲無那有興來嬾不暇頻年
看柱作棟梁幾度驅車聽欵欵幸依王翰結比鄰不啻相如與
同舍白鶴新葺早歲文白鶴山房詩鈔四卷君未通籍時作也金環久攬高軒卸

揆穴先揆驪頷珠挽強必挽烏號栢屬者輶軒到閩越富哉海

嶠雄含跨荔子輕紅按譜嘗武夷濃翠沿溪迂藥籠參苓已竝

收聲名竹石應同價朱竹君石君兩先生皆曾任福建學政繫子三晉亦抗顏僅

免諸生相聚罵得代同爲垂橐歸舊交見異無媒嫁小山叢桂

暫淹留子虛雲癯姑從詫買鄰千萬洵不孤隔屋再三酬未罷

一枝斗憶故鄉棲，但恨鷓鴣不肯借。

三次前韻答筠潭

君詩境妙倒噉蔗，勝陟層臺游曲榭。非徒戶萬與門千，能起雷
冬造冰夏我詩陋。淺若繩樞又苦徵，求稅閒架打頭剛。救雨風
侵彈指忽看樓閣乍，呻吟被底那能竒。應接山陰真不暇，懵學
常愁誤讀霓有詁，無徵難押歌。廣雅釋詁歌極也。衰遲可笑不

自量重繭安思過，百舍如遭債責法。當償似負馱，行勢難卸因

思智力譬樂弓，要取良材須七柘。勇哉不厭李陽拳，怯耳甘出

淮陰跨僂當把筆，侍聯吟從此掃門。遠相迂涼宵好雨，報新晴

明月清風正無價，牆根幾日花破顏。馭者九衢車不罵，方膏主

人吟有歡卻愁禦。寇行將嫁鼓衰而竭，惟自知鏡照不疲從衆

詫會當大扣鑿華鐘，一洗啾嘈繁響罷。第虞腕脫姑徐徐，十手

傳鈔應許借

題雅宜山人像

五憶歌成序已秋桂叢山曲好攀留

山人有五憶歌爲嘉靖丙戌夏避暑作今有刻石

聲名豈僅書家傳風貌殊非隱者流就學九峯淹歲月

謂祭九遠

年北海

訂交游

徵仲

到今形韻猶如活莫惜先生未白頭

蕪湖會館有明泰昌元年縣人周

應銓

所書土地神牌

爲作此詩

泰昌帝泰昌年號僅分系誰其存者有土地詔改泰昌在明年
明年卻是天啓元八月以後臘月前泰昌之號虛屬焉紅丸訟
移宮闈土地洵洵亦搖動天跳地蹕知何年賴有艸莽臣應銓
還我土地書特筆泰昌元年十月廿一日

題倪高士像

書畫神仙惟漫興園林高士類苑寒得兼眾美真奇福盡棄家
貲益大難愛潔修之何礙癖高名太尉不能官放還老鐵仍多
事爭似湖山自在看

葉筠潭招同蔡學士

之定

汪儀部

梅鼎

王侍御

澤 蔣編

修詩

集飲玲瓏山館筠潭五疊前韻見示次韻奉荅

對杖臂經三中蔗軍實重思講於樹

榭講武堂見左成十七年注又楚語糊不過講軍實

焉

忽枉芳筵爲買春起攬絺衣尙宜夏次第朋簪盍五人虛明

書屋開三架半屬同鄉情最親況是比鄰見非乍插架書鈔善

本多題名碑搨游山

段壁縣李陽冰烏石山般若臺銘搨本

用僻何人爲考飭借

極有例當要歎

東坡次韻程正輔游白水山詩細劖黃土栽三極自注正輔分人參歸種韶陽來詩本用磑字

惠州無書不見此字

所出且從木奉和歌字僅有 杯行到手未

二訓其一前人未曾經用欲援東坡例改押他字 初更月好當頭剛入舍憶昔餘杭酒數沽扁舟茗雪帆三卸八

月濤聲雪撼山三春蠶箔桑多朽白嶽黃山我熟游梅林黑衛

閒曾跨

儀部居休寧梅林乾隆辛亥夏會一過訪

當時頗切聞聲思今日頻蒙倒屣

迓容臺翰墨妙通禪羣玉圖書美無價張籍窮龐安足收徐凝

惡詩僅可罵自笑于思棄復來人嗤鄰女貞還嫁坡調山谷偶

游戲雄似相如敢相詫戰經三北豈能軍棋饒四路應須罷他

時石鼓許再賡懸河辨口從君借

次韻題畫

吹雲非筆畫濡髮非手書偶爾逞奇快未必無煩挈拙工範廣
鼎蝸焉載專車濃青閒古綠貌澤中無餘高人不學畫吮豪娛
獨居自然具氣韻望而知璠璣董巨非天人何獨卑視余曷不
少矜慎落筆稍踟躕隨人寄逆旅何者爲吾廬況復襍客氣幽
懷安得攄今人吾不薄古人吾不如

題董文恪公山水小卷

宋元畫派誰中分權輿斷自荆蠻民力掃縱橫變古法獨以幽澹還天真癡翁阿蒙不滿意閒於畫跋搖譏昏悠然謂得荆關意趙

松雪高房山

以下非其倫當時學者趨簡易但愛麤貌遺

精神江南人家有無判清俗麇鼎襍出耳鑿尤紛紛遂使唐宋遺法昧謬以疏簡爲清新那知迂也早從董巨入拍塞滿紙殊多皴倪黃固是一合相譬彼無著偕天親東山先生法清闕雄偉時參大癡意長卷巨軸見已多此是南齋小遊戲南齋在昔推麓臺山紅澗碧天骨開不生不熟致高曠親見浮嵐暖翠來先生健筆真後勁一代倪黃在宮禁不須譜史後來傳領取當前自論定余生也晚殊可憐雲烟過眼空茫然風流事

事都非昔豈僅丹青遠遜前

病起偶書次子卿綠山書屋韻

安仁謬賦閒龜蒙激歌散三徑無松菊一尊欠容滿臥驚水潑
衾起聽雨鳴繳我憂僅采薪世醫絕和緩參苓若沃虛肺腑不
相管周妻老已疏何肉病又斷遂使淹再旬汗澤垢羞袒佳節
迫重陽頽年去難纂并梧葉未凋籬菊花猶短江亭臺可登蕭
寺門誰款豪憶曲江游醉失高陽伴午倦香一爐夜諷鐙一椀
龍鍾百事拋惟有吟不懶拈鬚一鑿容此翁見殊罕

子卿約重九日游崇效寺先以詩招次韻荅之

消渴笑相如養生陋中散人壽能幾何百年恆不滿我其內熱
與未要清涼繳頭圍日以削腰帶日以緩秉燭游且遲何物病
能管比鄰有佳招憐我輒跡斷重陽扣棗花素食就髡袒春至
花枝枝秋來實纂纂老覺日月忙歸終計慮短已拚腰脚頑但

恐風雨款卅年幾登高零落不成伴呼兒理琴囊戒僕載酒椀
病餘曉貪眠失旦似雞嬾先期膏吾車早出月來罕老翁難早出杜九日

九日崇效寺看菊子卿三疊前韻見示復和此篇

腰脚病兩旬痺頑今始散骨瘦如青山坑谷秋填滿朝晴風日
和障面不須繖招邀佛寺游轆轤巾車緩我年迫趨公睡屬雞

聲管

元遺山詩幾時不屬雞聲管睡徹東窗日影偏病因閒卻來愁如水難斷何似鉏

菜翁息陰方露袒入門菊作花名品日增纂過頭藤杖高扶闌
鳧脛短路生花徑紆游熟僧意款爲語霜枝秀正少吟身伴清
心琴一揮破悶茶七椀得茲半日間翻悔出門嬾君看菊落英
我又烏黏罕

九日與子卿季高暨兒子

初民少民

以陶詩舉俗愛其

名爲韻分賦節物得舉字咏酒

古人采菊花和葉釀以黍麴藏到明年飲之成美醕今花古所
無古風今不舉提壺入市酤亦復歌有蕤歡然適有餘弦月照
尊俎

烏程縣以名索郎思旅語淵明有名酒未審名何許京師重越
州踰越江河阻四時朋盍簪十錢杯一舉又復恣淋漓偷飲到
童監何如五斗米邨釀白於乳醉倒東籬旁不知孰賓主

子卿得其字咏饊同作

獵獵西風颭彩旗甌香旨否競嘗其名因九日登高錫象取遶
峯任意爲重陽饊一名峯饊見王文格姑蘇志炙手癡兒喧繞市驚心旅客怕題
詩休欺湫隘饊坊小中有星郎正養資

蘭蒨

中宵猛雨洗浮塵老綠焜黃著眼新散水畧如孫位筆好山都
作李唐敎登車攬轡輸行客倚樹看雲羨野人載取一尊何處
醉冷吟閒作畫圖身

順義道中望王家峪山腳一帶柿林葉殷紅如晚霞一
片戲占一絕

不圖烏柏擁柴門嬾寫丹楓傷水村別樣秋山紅樹本燕支一
抹染雲根

宿北石槽邨居主人李姓順義縣三十年老諸生也感
而賦此

南石槽北山邨居門前榆柳秋蕭疎三間茅屋窗新糊爲堂爲
室爲庖廚柴烟土銼鬱不舒化作天際烏雲烏主翁鬢鬢多白
鬚云是識字耕田夫卅年前願一腐儒不知何地安詩書屋邊

田僅二頃餘困有積粟廐有驢閉門終歲無官符繫我出入承
明廬僕馬導從繁有徒年來學殖荒落無名雖翰林實則誣爲
憶弱冠入學初與翁之年應不殊我爲朝士翁泥塗幸與不幸
非賢愚若爲計較誰憂娛我歸難覓粥一盂翁自有田犁可扶
吁嗟此翁我不如

次密雲縣

霆轟電掣五更頭傷午濃雲始盡收天外峯巒臨紫塞眼中城
郭見檀州秋淡老樹仍留葉人怯新寒乍擁裘筋力今年重勞
頓役車只合早歸休

感事

鞭撻蛾眉作馬牛萬金不惜等閒休儻無漢法三章約定是王
敦一輩流重買崔盧壯門戶劇憐猗頓易黔婁莫疑此禍真無

矣天道由來祇自求

古人風義友兼師豈效飛蚊聚一時縱酒便教汗李白狎邪祇
辨作溫歧冀光宵燭曾分我援手寒泉卻是誰爭及秦青歌一
曲行雲不動暗塵吹

演雅

水弩含沙巧伺人可憐無目枉呈身狡蟲合竝尸蟲罵周狗何
如弄狗親貓鬼頗能司禍福蠶蠶豈僅攝金銀會須和氣除妖
矣郊椒游翔盡鳳麟

十月朔日自西苑冒雨入城

柳陌槐街綠自腴今年妍暖未開爐不知江店茅柴酒黃糯蒸
來熟也無

蝶老霜濃尙鬥花枝枝豔豔竹籬斜誰憐冒雨西園客三尺泥

淡正沒車

初冬

黃葉林閒屋數閒平橋寒水綠纒環一年又到初冬候十載曾
消幾日閒眼底儘能容俗物窗中不厭只青山愁心向晚渾無
著坐對孤雲自在還

葉山舊居湖上榜曰小林屋水際木芙蓉最盛今移居
近十年不知此閒尙有存者否十四年不見此花漫憶
成此

憶昔小林屋芙蓉似錦城盈盈隔秋水葉葉有風聲色並雲霞
麗人來几硯清不知堤柳下猶復向時榮

米窩兒酒

並引

京師市中白酒鋪每歲冬初以白布長丈餘爲帘大書

徽州米窩兒酒其實他郡皆善釀不必徽州也近亦祇書江米窩兒酒余飲他酒輒病惟此差適因爲此詩

槐街葉落天宇曠瞥見泉紳風裏颺馬上人驚灑面涼回頭笑是酒家望大書白酒米窩兒云仿吾鄉歙州釀尋常大戶棄不嘗方便病夫飲無恙此酒江南到處酤方法童時看未忘飯蒸黃糯半溫涼手和卉藥投罌囊中留一井若淡泓外圍輒州當屏障不寒不熱報漿來且溢且醞類春漲甜如蜜汁白如滃飢能輒飽寒能湯年來冬近輒思飲每把淡杯懷不暢憶昔蕭齋賞蠟梅正值新篔纔撤醕一夕真傾三百杯葛疆酒膽殊豪放

乾隆癸卯冬同葛冬邨飲蕭春園蜜香艸堂賞黃梅花一夕盡七十餘斤藥爲之齧卽此酒也故人化去我衰

頽眼底酒兵誰可將濁賢清聖皆不中惟有此觴差可誑何時

東老結比鄰重見飛空仙過訪事見清異錄乞取靈丹救病身使我

桃花顏再壯一鼓長鯨吸百川寒梅癭裏香盈帳

糖燭栗

燭栗傳李和權與自北宋放翁筆記之實寓故都慟其法昔未聞加糖今所用范陽產最良易州小不蟲秋風八月零驢背千筐送摹形雞頭圓刺手蝟毛精泥竈當街支茅柴帶烟烘靈砂互襍糝長鋏恣斲弄黏糲禍未禱焯焯黃裂縫熟無大小殊甜徹中邊共倉卒佐酒筵飢虛充飯甕口吐熱客饜脣沸饒兒鬪爭市趁歌臺擅名據胡術糖燭栗向以王皮胡術爲最丙夜燈尙懸一裏懷不凍我家近宣州饋遺親知重顛顛大于拳一一包可貢消寒炮地爐釘盤伴宵誦涎垂通子貪手撰孟光供清境記不怠餘味甘猶癭卽此未全貧何須戀微俸

題龍笠衫小像卽送之象州

一別八千里相逢卅二年呼兒爲寫照羨子未華顛笠繖傳清
德緋魚媿昔賢春明萬花發應到象江邊

報道新州牧春陵舊使君山川壤相接慈惠日應聞桂海久無
瘴松牌高入雲暇爲搜洞壑或有柳遺文

題鍾馗歲朝圖

又貌鍾馗當歲朝十年故事爲重描

癸亥歲朝初兒曾仿媿願
真鍾馗野溷豪豬爲圖以

五言詩
題之

不知漿酒謠真驗欲向中山乞一瓢

樹抱山根竹緣坡峯橫嶺側鬱嵯峨此中大有紆回處枉說終
南捷徑多

前策疲驢後擁車同游省寄大雷書驚心老姊相離久那禁申

申不罾余

朱氏姊別十四
年明年七十矣

郵店春醪釀滿尊湖亭梅柳近堪親得歸便是殘年福未必青

山肯負人

壹齋集卷二十五

當塗 黃鉞 左田

古今體詩六十二首

癸酉甲戌

立春日戲作生菜梅花畫幅因題其上

廿枝筠管逾麤角百番雲牋勝海苔攜得御鱸香滿袖親從天

上帶春同

是日進春帖子拜筆墨牋紙之賜

餅如盤大酒盈杯映入盆梅爛漫開傳語兒孫須記取老夫曾
敲菜根來

獨酌

好雨晴兩日砌艸碧已滋東風泮池冰鱗鱗弄漣漪小鳥鳴前
楹勸我把酒卮一卮輒復醉脈脈有所思臨流顧華髮不如楊
柳枝

柳枝亦以短無復當年長絲絲二月時裊裊舒微黃舉杯遙問
之今昔能相念纖腰一搖曳猶自垂千行寄言鶯與燕任爾相
頽頽

池冰盡泮新水粼粼感賦

三尺池冰比石堅春寒又遣雪霜兼費他幾許東風力磨出青
銅鏡一奩

年年冰泮輒咨嗟惟見簪簪露敗蘂若解琉璃淨如拭當時何
必種荷花

舍南舍北碧于油付與閒身照白頭欲挽春波爲商榷可能分
潤麥苗不

上巳園居

重雲當戶暗細雨逐風斜池柳一分綠山桃幾點花何人脩禊

事有客憶天涯芳艸湖隄路春風勝若邪

半壁店行帳口號

氍帳平臨綠野開幾株紅杏傍邨栽夕陽暮靄蒼茫合坐對房

山酌雪涿

涿酒以春分日雪水合釀者爲佳

三月十九日 召見秋瀾行殿奉 敕先往潭柘看山

作畫

潭柘先幽州昔聞古老說京居四十年曾未憩游轍踈途蒙

召對

天言此幽絕汝往宜爲圖位置

朕先揭梨桃繞邨居樓觀藏巒嶼攬茲形勝全授汝山水訣載

拜喜且慚

臣

筆實孱劣名山貌大難明詔奉乃迭今揆巖寺花

昨踏臺山雪

辛未

西巡奉 敕寫長城春霽圖

山靈如有知應亦讓叨竊維時

春已淡滿眼翠可擷安得攬荆關老筆色爲設西笑望烟雲須
與已變滅

自佛耳門溝至潭柘寺紀游

未至佛耳門先見少師塢

姚廣孝

鈴語送松風驚飛滿天鴿入谷

石嵌空鑿壁棲老衲苔葉蝕袈裟不知幾僧臘閒亦有題名石

泐不可搨仡仡崇傭高曲曲線路踏石火迸馬蹏螢光乍開闔

因悟此澗瀟山陵水合沓春晴跡稍通夏雨石旋礪是宜稱爲

溝百谷所容納忽然森開張記里已逾卉石屋兩三家花光四

山合能白復能紅不使凡卉裸居然武陵源但欠谿吠蛤

潭柘山之名寺爲晉嘉福山寺兩相蒙名稱姑徇俗見山不見

寺爲腹不爲目直到寺門前始知在山麓入門泉涓涓繞階碧

如玉辛夷方作花牡丹苞已綠修纖竹捎雪偃蹇松蓋屋今春

苦久晴塵土沒車軸到此頓清涼頭面若新沐山僧導我游層
臺禮尊宿因觀妙嚴馱方正函以木背傳印五體今但穿兩足
五鳳造非初雙鳧化難復更徵像有無山僧答且惡長老已不
知不惟我也獨一笑姑置之樞衣入深谷

欲窺龍移湫由寺向東出未及上翠微有庵在林密人言姚少
師當年此示疾大師卻無墓少師乃有室升階香火微中坐禿
厮一伏犀易病虎頗笑塑者失况貌僅中年不類八十四集韻讀如
悉北郭詩自佳西山老堪佚柰何性嗜殺欲以彼法律更上見
龍湫一隘清欲溢出寺卽伏流渴不救蓬筆龍何私于僧此理
向誰詰下視佛耳門塏影小于筆了了見來時細路鼻魚乙

題孫忠靖公遺像

公忠公節婦孺知異代談者如見之梅庵樂府梅邨詩曾何待

我覩縷爲前年視學雲代時見公臯仍於公祠祠牆雨壤屋已
敲出錢二萬俾墜茨爾時州牧老且疲三載不葺將不支公同
姓新良有司孫君樹新下車一見興嗟咨是守土責丹雘施唐陳戶
牖靡弗治大府舉最車載馳載公畫像來京師邀我贊頌夔龍
姿我非其人媿且辭世上自有瓊瑤辭憶昨試院行有期公孫
捧像當階墀謂代答謝禮所宜急令將校兩手持開門迎候送
如儀空慕趨訝客爲誰再拜公像仍豐頤應笑小子何衰羸煩
君傳語公孫枝力學毋墮家聲垂勿恃祖澤愛可推縱百青衿
詎足裨公靈咫尺吾不欺食茲舊德當敬思不見當年兄弟一
髮千鈞危馬革欲裹悲無厭

癸酉七月八日再奉典試山東之命次甲子紀恩

詩韻

未搜寶鼎出汾陰又遺掄材到配林

帝舉韋賢欽作式

初九日

召見勅政殿

論云山東人材最盛往時劉統勳父子及今在九列者皆有譽

望臣

非陸贄媿滋深難期珊瑚網千尋樹惟竭葵忱一寸心老去

論文知入細重來要負青衿

河閒二十里舖邸店壁上有柳枝詞四首後跋云昔年

典試粵東行德景道中作柳枝詞數首今再過之零落

盡矣感嘆之餘復作四闕書于瀛洲者詩成于此夕也

甲辰九月西川李雨邨周言題曰周言二八者離其名

之文耳

淡夜琵琶特爲聽

卽李

香山遷謫感娉婷如何驛路占臨分卻

向章臺滯使星

重來猶復憶行雲一曲楊枝夜已分所幸當時無醉尉不曾呵

止李將軍

雨邨向有小
李將軍之目

雨發齊河

八月朔日

樹頭雲腳尙冥濛截道橫流斷不通泥滑未收騎月雨輿行如
遇打頭風所欣秋稼含苞足真有春膏潤物功安得晚涼閒載
酒明湖一櫂開紅中

再至濟南

黃岡十里路盤紆樹影湖光半有無我比遺山來恰好真看烟
雨鵲山圖

近城風卷宿雲開放出重巒翠幾堆知有山靈暗相報十年喜
見故人來

雨點征衣溼未乾馬前父老笑爭看分明指說髭須白不似當年
舊試官

慚媿諸生道上逢曩時頭腦太冬烘縱教博得中郎識曾是吳人爨下桐

雲癭郝

兆鉅

以庶常出知泗水縣余丁卯湖北鄉薦士也登第七年未獲相見癸酉秋襄校山東試事始晤于濟南鎖院喜賦二律贈之

鶚薦未相見逢君濟水秋絳都前太史泗上古諸侯校理資青眼冬烘笑白頭門生看親放差喜勝黃州

蟾窟爭攀桂何人第一枝傳衣增我媿造榜若天私榻首出燕君門下燕雀衡容易冰壺清可知願君青泊行課最亦如斯

贈周黃縣尚

曩作諸侯客真如同隊魚卅年雲再逐白髮雪盈梳舊雨湖山瘦春明日下午師門重回首相對一欷歔周爲朱文正公江南丙午所取士又皆客

其幕

下

九月初三日閣中接奉 廷寄蒙 恩補放山東學政

恭紀

舊節頻頻握

新恩雨露偏姓名凡再易

先是以兵侍吳芳培為山東學政旋改任

直隸以吏侍戴聯奎簡任山東戴又以憂去遂補放臣鉞文字有因緣地擅湖山勝門多鄒

魯賢高樓容嘯咏且喜佳三年

學署有四照樓為施恩山先生題

奉 命主試山東鄉試武闈恭紀

帝命暫司戎爭開兩石弓何人擢犀兕一舉滅沙蟲

時撫臣同與帶兵往

曹州勦賊故命臣鉞主試

安枕民方待籌機策要通書生味韜畧無以慰

宸衷

時滑縣向未復

王秀才

桂雲

以曾大父秋史先生禪喜圖屬題

晚而得第如東野熱不因人似伯鸞望水秋吟黃葉好成山詩

補白華難百年風貌留禪喜一瓣心香接古歡幸有文孫愈二

老不同葛屨練裙單

謂新城德州後皆不振

濟南試院五詠

樓上湖山入望曾十年闌檻又重凭使君過去知多少爲想風

流屬宛陵

四照樓

非閣非船寄水涯寒波淼淼窗紗紅梅破萼黃梅放酒暎杯

香獨看花

蓮子湖頭不繫舟

樓下清渠水一條板橋東畔濯纓橋不須清濁從人辨一色分

明金鯽苗

濯纓橋

滿園榆柳葉紛紛只有名花致不羣好待春明春睡足真成水

上覓紅雲

海棠井

磴古苔封強欲階樓存寺圯尙名街道人休詫鐘聲寂爲愛湖

光非趁齋

鐘樓

樓南爲鐘樓寺街

閻立本鎖諫圖

本無款印明王傑登跋引張彥遠唐

清標韓逢禧朱之

亦皆有收藏印記

六劉之寵傾後宮麗華美豔寡合同阿嬌尙欲金屋貯鸚儀豈
情崇樓工何千鼠子陳元達生來哭人不求活鎖身庭樹與樹
枯植立如山不能拔十生九死爭須與叩頭流血煩司徒萬言
會不敵一笑況有請死堂中書如聰驕暴甯知媿轉圖聊博蛾
眉嬾不見徽光殿未成東市誰揮斬陵淚寃哉陳公終致命枉
效朱雲以死爭惟將載記付崔鴻剩有丹青貌閻令此卷位置
將毋同聰也獨著雙鞵紅頰頰睽睽一凶豎不知經史何時通
爾日君臣面如墨想見怒雷聲未息武夫手刃卻不前似已暗
通劉后敕劉娥翩翩來何遲兩手捧疏前一姬姊英已死小劉

賜其二執笏知爲誰畫師不是閒驅使禍水唐家貞觀始樹下
雖無鎖諫人宮中卻有五娘子三代法鑒存於書故事何必徵
匈奴願前摹寫姪兇筆爲畫周姜脫珥圖

登岱

陽魯陰齊壓海鼇秦封漢禪笑紛踣舊儀偃卷存應劭故堞蒼
茫失奉高環道千人旋磨蟻松風八月廣陵濤我來分寸躋攀
上仰首天關極目勞

御帳坪開碧玉屏萬松相對兩山青摩崖字裏尋名蹟流水聲

中讀石經

唐宋人題名輒爲明人摩崖大字所掩石經峪

雲錦

隊惟憑想像棗棊錢亦漸凋零道人休便成嗟慨灑潤飛甘此

最靈

金闕峯疑逼太清蓬元天上御風行峯攢劒笏朝青帝雲湧旂

旃護碧城圖有真形誰創見碑無文字世難名明皇更比秦皇
侈銘石填金飾太平

兼衣丙夜怯高寒東望滄溟重撫欄天宇冲融張赤帟霞光晃
漾走金丸雲中雞犬聲猶寂枕上邯鄲寢未殘一笑廿年空早
作滿身塵土日趨官

過莒州宿故蕪湖縣令張君

肇揚

家留二絕句

道經莒子城邊過假館于湖舊尹家猶有燈檠牆角立河陽曾

照昔年花

聽事有鐵燈檠二蕪湖湯天池所製也

芝蘭玉樹滿階墀

園中玉蘭正開其幼子出見年已五十餘歲詔孫中猶有在官者

廉吏誰云

不可爲我比田夫能說尹何人解作少陵詩

將軍嶺在莒州東六十餘里山路險僻行旅常有戒心

嶺上閒雲不可耕谷中刁斗夜無聲如何卻有將軍號隻埃憑

誰管送迎

未至諸城二十里雷電雨雹交作

硬雨大如梅李核濃雲色比老鴉烏何人貌取好東絹便是升龍北苑圖

寒亭

白狼河上柳冥冥橋下河流靜可聽紅日未升烟未泮曉風吹寢到寒亭

萊州道中

西環大海氣滄涼東望羣山劇劍鋌三月鶯花萊子國六經潭輓暫紆

天顧眷淮揚

雨中過諸由觀爲淳于髡太史慈故里

在黃縣東二十里山中

淳于齊贅壻子義漢英雄兩立雙碑在風流竝宅空林虛鳴鳥
寂島近片帆通鎮日荒山道行行壑确中

登州望海嶺

纖蘿不動海天寬咫尺蓬壺得縱觀雲水光連黏地合蛟龍氣
近逼人寒造橋神枉鞭山石求藥身先誤馬肝卻笑羣仙戀方
丈不知人世上天難

登州不見海市詩以解嘲

登州海市奇復奇搗來按試希見之扃門十日捩眼窺但有萬
里長風吹聲猛氣勁驅者誰撼我牆屋虞傾欹我聞方丈東海
陲龍宮萬頃堆琉璃瓊華光碧陵丹曦濡染元氣何淋漓羣仙
往來相游嬉升天不願甯非癡幻者安處真者危飛騰欲訟觀

之師又聞神山隔渺瀰金銀樓觀光參差望之如雲卽已移當

時方士見不疑似卽海市所閃爍如瓜棗忽誕安其蒯通傳遂

更侈以荒唐詞童男女究何學羅風引舟去無還期種種妄誕

不可思見與不見從人欺或云城郭揚旌旗或云羶車駝馬馳

或古寺有浮屠指或人戴笠行委蛇或惜變幻不一時或幸終

日呈多姿疏林茅屋映竹籬憑依五島曾不離市見必于沙門牽牛躡磯大竹

小竹五島之上神仙狡僧彈指爲至巧誰令蛟蜃私我來未禱廣德祠

不使快覩理亦宜海若一笑還支頤兒童之見何其卑樓臺倒

影君家池分明一幃丹青披微風滅沒隨漣漪不聞致怨封家

姨書生積習誠難醫正坐誤讀東坡詩

蓬萊閣謁東坡先生祠

曉日瞳矇島嶼開先生端合住蓬萊能陳利病還朝後不負邊

州五日來

公登州召還有議水軍及請罷權登萊鹽狀

鴻爪無心留勝蹟文章有用

乃奇才到今意氣傾山海誰說龍鍾造物哀

嘉慶甲戌三月廿七日校試登州諸生詩賦以東坡留

別登州舉人詩令其追和閱五日而有 召還南齋之

命若應識者亦賦二律留別

老去難期汗漫游者番行盡海東頭玉堂三人誠何幸珊網全

收也合休

余再主山東鄉試東郡獲雋者甚衆今視學亦先試登萊而去知名之士一時始無遺佚

留別詩

教賡玉局 召還識果在登州諸生珍重臨歧路可有箴言贈

我不

觀海新從登岱來雪峯雪浪共崔嵬慚無許劭人倫鑒定有夷

吾天下才道第那能禁翦薙軍譁休便怨銜枚蓬萊好讓羣仙

住歸綴清班首重回

行抵萊州蒙 恩除授戶部右侍郎恭紀

臨江小縣久荒寒二百年來無此官父老傳聞應說項諸生相

見爲彈冠遷逾分外人方訝

去冬以侍講學士蒙 恩除授內閣學士已爲不次之擢未八月又

切惶悚 貧到

授今職實

切惶悚 貧到

天知世更難多少郎潛同白首感深不覺涕洟瀾

十年前同爲郎者今尚有

四五人

青州道中書所見

乍暄乍冷麥黃時千里雄風日夕吹到得青州却落好棗花香

裏看繅絲

新城張店交臂至長山戲作

黃塵三尺撲征鞍馬首兒童拍手歡畢竟人情還念舊桃符雖

退尙爭看

五日涿州行館

道路誰開解纜筵把杯那不憶江天歐湖一隻涼篷子回首烟
波十六年

四照樓曾幾日開好花都爲後人栽明湖也有滄浪興卻擁黃
塵艸艸來

澄懷閣夜起

水花風葉作清秋夜起林園冷欲裹乍軸池簾看落月忽聞街
鼓送鳴騶勞勞身世成孤注鼎鼎年華迫旅酬擬效東坡署齋
榜北窗睡足更何求

東抵黃腫西雁門征衫塵浣尙留痕青天碧海牽牛島白日黃

沙秀女邨在大同府南數十里過眼烟雲留畫本論心朋輩失琴尊小山

叢桂香猶癭孤負庵門秋樹根謂江鄉丹木庵老桂也

九日香山直廬作

岱頂瀛壖彼一時登高作賦最相思
鴻泥倏爾成陳跡烏鵲依然繞舊枝
照日樓臺炫金碧漫山木葉翦琉璃
可憐屐齒蒼苔澀欲采霜花卻遺誰

題子卿二牖泛舟圖用竹垞先生題田山薑秋汎圖韻
竝效其體

憶昔乾隆三十有九年時惟上巳禊飲古所傳
舍人徐昆邀我泛二牖逝者今半存者皆幡然
子卿侍御奉命此監察子卿奉

命柳查漕糧

五日一泛慶豐牖口船千夫負米如蟻頭戴粒卻推蹶

頓襍沓何囂闐秋風忽吹佳客五人到臨流
一笑河水清且漣石橋佺佺青帘柳陰出瓜瓠
纍纍翠蔓茅檐牽眼前頽垣敗瓦壞馬鬣當年
朱門貴胄矜牛眠何如及時行樂且作達賦詩作

畫下筆狂欲顛，惟憐我身吐絲類。驚縛不得共子上下相溯沿。
水光山色今日想，猶昔而我顏蒼髮白。非從前安得高浪遠駕。
蓬萊閒娥英琴馮左右分吟，賤黃金白銀宮闕在眼底。與子拍
手合唱飛龍篇。

園居秋晚驟寒

葉葉聲乾走曲廊，巖巖苦霧黯書堂。不須喚老求燕玉，惟惜療
愁少索郎池水波。激魚避餌，籬花霜晚蝶憐香。猛思三徑曾何
有，翻笑淵明枉自荒。

送秋山先生之任保甯

談笑山城靖撥丸，一麾十載始除官。

先生以孝義顯同知推升保甯太守

長安米

賤居原易蜀道時平去不難，五馬踏青春市靜。三峨戴雪碧天
寬，後生定有王褒在樂職。詩成好乞觀。

簪豪會費幾烟丸何意叨塵侍從官作賦少陵詞理質利民元
凱度支難翱翔自笑蓬蒿適寤寐常思澗谷寬便擬從游仍負
笈雲山佳處得周觀